



Iulai 20, 2015

MEDIA RELEASE

TATALA ALOAIA AUAUNAGA TELEFONI FEAVEAI A LE BLUESKY I NIU SILA

O le aso ua faalauiloa ai le amatalia o le auunaga telefoni feaveai a le Bluesky i totonu o Niu Sila, e tauala lea i auunaga mo le mamalu o tagataano Samoa o loo alala ma papaaao ai.

O le Bluesky ua avea nei ma se taimua i totonu o le Pasefika i le faatinoina o fesootaiga e tauala i le Telefoni feaveai, Initaneti, Televisi, ma Telefoni fale i totonu o Amerika Samoa, Samoa ma le Atu Kuki.

Ua faamanino mai e le Afioga i le Alii Pule Sili a le Bluesky i le Pasefika (Bluesky Pacific Group), Aoe'e Adolfo Montenegro, "O le sini autu o le faamoemoe a le Bluesky, ina ia maua gofie ma taugofie ona fesootai o tatou tagata i le Pasefika. Ua faatupulaia nei le agai i luma o le auunaga a le Bluesky, ma o le naunautaiga ia avea ma kamupani e faamuamua e tagata Pasefika i le lalolagi atoa."

Mai i ni sailiiliga ma le faafesiligia o tagata Samoa i Niu Sila, ua tuufatasia ai e le Bluesky ni auunaga talafeagai lelei mo le faaaogaina o le telefoni feaveai i totonu o Niu Sila, faapea ma le valaau taugofie agai i numera a le Bluesky i Samoa.

O le auunaga telefoni feaveai leni a le Bluesky i Niu Sila e totogi muamua (Prepaid), ma o le a faigofie ona faatau lau paleni i luga o le upega tafailagi (website www.blueskynz.co.nz) a le Bluesky Niu Sila, faapea ma faleoloa.

Ua faataatia foi e le Bluesky le alafua e mafai ai ona faipaaga ma Ekalesia Samoa i totonu o Niu Sila e fesoasoani ai i a latou atiinae ma polokalame.



Faamatalaina e le Pule Sili o le Bluesky i Niu Sila, Toleafoa Douglas Creevey, “Ua faamautuina mai i ia suesuega le fia lagolagosua o tagata Samoa i le kamupani Bluesky i Niu Sila nei.

Ua maitauina foi le toatele o le mamalu o le atunuu o loo faafesootai atu i o latou aiga ma uo i Samoa i masina taitasi, ma ua manaomia se auaunaga e faigofie ma taugofie ai ona faafesootai atu i Samoa.”

O le avea o le SPARK NZ e galulue soosoo tauau ma le Bluesky, ua mafai ai e paaga a le Bluesky ona latou faaaogaina le auauanaga lautele a le SPARK i totonu o Niu Sila.

E tusa ma le 97% o nofoaga faigaluega, maota ma laoa, ma laufanua o Niu Sila o loo alala ma papaaao ai o tatou tagataano, o le a mafai ona maua ai le auauanaga 4G a le SPARK NZ.

Na saunoa le Alii Pule mai le SPARK NZ o Lindsay Cowley (GM Product Wholesale & International) e faailoa le lagolagoina malosi e le SPARK NZ o le ulufale mai ma avea o le Bluesky ma ana paaga, aemaise le naunautaiga o le SPARK NZ ia faasoa atu ana auaunaga e ala i telefoni feaveai mo tagataano o Samoa o loo alala ma papaaao i Niu Sila nei.

TALAAGA BLUESKY

O le Bluesky ua taimua nei i totonu o le Pasefika i le faatinoina o fesootaiga e tauala i le Telefoni Feaveai, Initaneti, Televisi, ma Telefoni fale i totonu o Amerika Samoa, Samoa ma le Atu Kuki.

Sa amatalia auaunaga a le Bluesky i Amerika Samoa ia Iulai 10, 1999, ma avea o se Kamupani Telefoni Feaveai, Initaneti, ma le Televisi.

I le tausaga 2009, sa tatala aloaia ai le Submarine Fiber Cable (ASH Cable) mai Hawaii i Amerika Samoa ma Samoa.

Ia Mati 2011, sa faataunia ai e le Bluesky le 75% o le Samoatel mai i le Malo o Samoa. O le isi 25% na faavaeina ai le UTOS (Unit Trust of Samoa) o loo taliaina ai nei teuga tupe a tagata Samoa.



Ia Fepuari 2015, na faatauina ai e le Bluesky le 60% o le kamupani telefoni o le Telecom Cook Islands Limited i le Atu Kuki mai i le SPARK NZ.

O le masina lenei, Iulai 2015, ua faaopoopo atu nei ma le Bluesky Holdings NZ Limited, e avea o le lala fou o le Bluesky Pacific Group i totonu o Niu Sila.

O le autu o le faamoemoe a le Bluesky ina ia ausia auaunaga sili atu e mafai ai ona faafesootai tagata ma pisinisi i auala fou faatekenolosi, e faaititia ai tau ma faaauepegaina ai tagata faigaluega aua le manuia lautele ma le tamaoaiga o pisinisi.

O se tasi o manulaiti a le Bluesky, ia fesoasoani malosi i le atiinaeina o tagataaunuu i soo se atunuu o loo iai le auauanaga a le Bluesky, ma ua iloga foi lona lagolago malosi i le faaagatama o le lakapi i totonu o Samoa ma Amerika Samoa.

E talitonu le Bluesky o le manuia lautele o ana auaunaga, e faalagolago i le umia saoloto e tagataaunuu i atunuu o loo i ai ana auaunaga. O le 46% o le kamupani o le Bluesky Samoa o loo umia saoloto e tagataaunuu Samoa, ma e toe foi lava i le mamalu o tagata Samoa ni tupe faasili e maua. E faapena foi le faatinoga o loo faagaioi nei e le Bluesky i le Atu Kuki, o loo faavanoa ai nisi o vaega sea (Shares) mo tagata faigaluega faapea ma tagata lautele i lea atunuu.

-End of Release-

For media enquiries, softcopy of this media release and logo please contact:

Nicole Crump

+64 9 215 7858 / +64 21 898 307

ncrump@blueskypacificgroup.com

PO Box 12706, Penrose
Auckland 1642, New Zealand
M +64 204 090 1000
W www.blueskynz.co.nz